

Dato: 29. juni 2020  
Kontor: Nordatlantkontoret  
Sagsbeh: Anders Futtrup  
Sagsnr.: 2019-490-0144  
Dok.: 1049411

## MISSINGIUT

# Politiit atuuffiat pillugu inatsisip Kalaallit Nunaannut atuutilernissaanut peqqussut

UAGUT MARGRETHEP APPAAT, Guutip saammaassineratigut, uppernarsaavugut:

Politiit atuuffiat pillugu inatsimmi nr. 444 9. juni 2004-meersumi § 28<sup>1</sup>, pillaasnarnermut inatsisip, eqqartuussisarnermik inatsisip, sakkut pillugit inatsisip, politiit atuuffiat pillugu inatsisip, pillaanermik naammassinninnermut il. il. inatsisip aammalu ingerlatsineq pillugu inatsisip (Inupiloqtigiaanut akiuinerup sakkortusinera il. il.) allanngortinneqarnissaannik inatsimmi nr. 501 12. juni 2009-meersumi § 8, imm. 3<sup>2</sup>, pillaasnarnermut inatsisip aammalu politiit atuuffiat pillugu inatsisip (Kikkulluunniit eqqisisimanissaanut akornutaasumik iliuuseqartarnermut akiuinerup sakkortusinera il. il.) allanngortinneqarnissaannik inatsimmi nr. 1107 1. december 2009-meersumi § 4, imm. 3<sup>3</sup>, politiit atuuffiat pillugu inatsisip aammalu sutorniartarfinnut imigassamillu nioqquteqarsinnaanermut akuersissuteqartarnermut il. il. (Torersumik pissuseqarnissamut il. il. nalunaarutip unioqqutinneranut akiliisitsil-luni pillaanerup sakkortusinera) inatsisip allanngortinneqarnissaannik inatsimmi nr. 249 30. marts 2011-meersumi § 4<sup>4</sup>, pillaasnarnermut inatsisip, eqqartuussisarnermik inatsisip, sakkut aamma qaartartut pillugit inatsisip, politiit atuuffiat pillugu inatsisip aammalu pillaanermik naammassinninnermut il. il. inatsisip (Rocker-inut inupiloqtigiaanullu il. il. suliniut tunngatinneqartut) allanngortinneqarnissaannik inatsimmi nr. 733 25. juni 2014-meersumi § 7, imm. 3<sup>5</sup>, inini aalajangersimasuni pulaartoqannginnissaanik inatsisip aammalu politiit atuuffiat pillugu inatsisip (Hash-imik tuniniaasarnermut il. il. aammalu politiit peberspray-inik atuisarnerannut suliniut tunngatinneqartut) allanngortinneqarnissaannik inatsimmi nr. 1722 27. december 2016-meersumi § 4, imm. 2<sup>6</sup>, politiit atuuffiat pillugu inatsisip aammalu akitsuuserineq pillugu inatsisip (Politiit data-t atorlugit misissuinermut atortunik atuisarnerat aammalu timmisartuni ilaasut pillugit paasissutissanik atuisinnaanerat) allanngortinneqarnissaannik inatsimmi nr. 671 8. juni 2017-meersumi § 4<sup>7</sup>, politiit atuuffiat pillugu inatsisip (Zone-meeqqusaannginnermut malittarisassanik aala-jangersaasinnaanermut annertusisamik piginnaatitaaneq) allanngortinneqarnissaanik nr.

Slotsholmsgade 10  
1216 København K.

T +45 7226 8400  
F +45 3393 3510

[www.justitsministeriet.dk](http://www.justitsministeriet.dk)  
[jm@jm.dk](mailto:jm@jm.dk)

131 27. februar 2018-meersumi § 3<sup>8</sup>, politiit atuuffiat pillugu inatsimmi, eqqartuussisarnermik inatsimmi, illersornissaqarfiup siunertai, suliassai aaqqissugaanera il. il. pillugit inatsimmi aammalu sakkutooqarnerup iluani pillaanermut inatsimmi (Illersornissaqarfiup politiinut ikuuttarnera aammalu politiit pillugit naammagittaalliorssinnaanermut aaqqisuussinerup annertusinera il. il.) nr. 708 8. juni 2018-meersumi § 6<sup>9</sup> kiisalu politiit atuuffiat pillugu inatsimmi (Nammineersinnaajunnaarsitsineq) nr. 83 30. januar 2019-meersumi § 3<sup>10</sup> malillugit aalajangersarneqarpoq, inatsit Kalaallit Nunaannut atuutissasoq imatut oqaasertaqarluni:

## Kapitali 1

### *Politiit siunertaat aamma atuuffiat*

**§ 1.** Politiit inuiaqtigiinni kikkulluunniit toqqisisimancerat, isumannaassusaat, eqqisisimancerat torersumiinnerallu illersorlugit atuuffeqassapput. Politiit tamanna siunertaq ingerlatissavaat pinaveersaartitsinikkut, ikiuinikkut aammalu atuutsitsinikkut.

## Kapitali 2

### *Politiit suliassaat*

#### **§ 2.** Politiit suliassaraat

- 1) pinerlunnermut tunngasut pinaveersaatissallugit, kikkulluunniit eqqisisimancerat torersumiinnerallu illersussallugu aammalu inuit ataasiakkaat inuiaqtigiinnilu tamat isumannaassusaata navianartorsiorinneqarsinnaanera pinaveersaartissallugu,
- 2) kikkulluunniit eqqisisimancerannik torersumiinnerannillu akornusiisinnaasut pinngitsoortissallugit aammalu inunnut ataasiakkaanik inuiaqtigiinnilu tamaginnik akornusiisinnaasut pinngitsoortissallugit,
- 3) pinerlunniaqtigiinnej unitsissallugu aammalu pinerlunnerit paasiniassallugit malersussallugillu,
- 4) ulorianartorsiorfiusuni allani innuttaasut ikuussallugit,
- 5) inatsisit atuuttut malillugit misissuinerit nakkutiliinermillu suliassat ingerlatissallugit,
- 6) inatsisit atuuttut malillugit pisortat oqartussaqarfii allat ikuussallugit aammalu
- 7) inatsisit atuuttut malillugit suliassat allat imaluunniit suliassat politiit atuuffianut pissusissamisoortumik attuumassuteqartut suliassat allat ingerlatissallugit.

**§ 2 a.** Politiit paasissutissat suliarisatik naapertorlugit akimortumik missuisassapput, tamanna politiit suliassaasa ingerlanneqarnissaannut pisari-aqaraangat, tak. § 2.

*Imm.* 2. Politiit paasissutissanik kikkulluunniit iserfigisinnaasaanniit pinngorfeqartunik katersuisinnaapput suliariinnissinnaallutillu tamanna politiit suliassaasa ingerlanneqarnissaannut pisariaqaraangat, tak. § 2.

*Imm.* 3. Imm. 1-mi 2-milu aamma taaneqartutut polttiit paasissutissanik suliariinninnerannut Justitsministeri malittarisassanik aalajangersaassaaq. Tassunga ilagitillugu, paasissutissat siunertat suut pillugit suliarineqarnissaannut, aammalu paasissutissanik piiaaneq qaqgukkut pisarnissaanut, aammalu suliariinninnermi teknikkikut aaqqissuussaanikkullu piareesaataasartussat pillugit Justitsministeri malittarisassanik aalajangersaassaaq.

### Kapitel 3

#### *Politiit akuliunnerat*

##### *Aalajangersagaq naliginnaasoq*

**§ 3.** Politiit taamaallaat innuttaasut pissuteqartumik akuliuffigisinnaavaat uani kapitalimi aalajangersakkat tunngavigalugit, inatsisinik allanik tunngaveqartut akuliunnerit pineqanngikkaangata. Inatsit manna malillugu nammineersinnaajunnaarsitsineq killilerneqassaaq, pisuni akuliunnernut sakkukinnerusunut periutsit naammakkaangata ulorianartorsiortitsinermik qaanginissamut. Nammineersinnaajunnaarsitsineq uani inatsimmi paasineqassaaq naalagaaffiup nunarsuarmioqatigiinni pisussaaffiinik naapertuuttumik naammassinnittumik.

##### *Torersuuneq aamma isumannaassuseq*

**§ 4.** Politiit suliassaraat kikkulluunniit eqqisisimannerannik akornusseruinikkut ulorianartorsiortitsisinhaanerit pinaveersaartissallugit aammalu inuit ataasiakkaat inuiqaqtigiiñilu tamat isumannaassusaannut ulorianartorsiortitsisinhaanerit pinaveersaartissallugit.

*Imm.* 2. Imm. 1-im i taaneqartutut ulorianartorsiortermik pinaveersaartitsineq pisariaqartinneqarpat, politiit sumiiffinnngaanniit peersitsisinhaapput killilersinnaallugillu sumiiffiit, sumiiffinnnullu isertoqarnissaanik nakutiginnifinnik pilersitsisinhaallutik.

**§ 5.** Politiit suliassaraat kikkulluunniit eqqisisimannerannik akornusseruinikkut ulorianartorsiortitsisinhaanerit pinngitsoortissallugit aammalu

inuit ataasiakkaat inuiaqatigiinnilu tamat isumannaassusaannut ulorianartorsiortitsisinnaanerit pinngitsoortissallugit.

*Imm. 2.* Imm. 1-imik taaneqartutut ulorianartorsiornermik pinngitsoortitsinissaq siunertaralugu, politiit inuk imaluunniit inuit ulorianartorsiortitsisut akuliuffigisinjaavaat. Tassunga ilagitillugu politiit

- 1) naalakkiisinnaapput,
- 2) inuup timaa, atisai, pigisai, ingerlanermut atortorissaarutai misissorsinnaavaat, inuk pineqartoq pasineqarpat tamakkua tamat torersuunerannut akornusersuutitut atorneqartut imaluunniit inuit ataasiakkaat inuiaqatigiinnilu tamat isumannaassusaannut ulorianartorsiortitsinermut atorneqartut, aamma
- 3) inuit pigisaannik arsaarinnissinnaapput.

*Imm. 3.* Ulorianartorsiortitsinerup pinngitsoortinnejarnissaanut akuliunneq sakkukinnerusoq iluaqtaanngippat, tak. imm. 2, pisariaqarpallu nammeneersinnaajunnaarsitsisoqarsinnaavoq, tak. § 3, inummik inunnilluunniit ulorianartorsiortitsisunik. Nammeneersinmaajunnaarsitsineq sapin-ngisamik sivikitsuussaaq qajassuartumillu ingerlanneqassalluni aammalu sapinngisamik sivisussuseqassalluni nalunaaquttag akunneri 6-it qaangernagit.

*Imm. 4.* Politiiit eqqartuussivik aalajangiiseqqaarnagu sumiiffimmut imaaliallaannaq iserfigineqarsinnaanngitsumut isersinnaapput ulorianartorsiortitsinermik pinngitsoortitsinissaq imm. 1-imik taaneqartutut pisariaqarpat.

**§ 6.** Tamat ornissinnaasaanni, ilinniartoqarfintti, inuusuttuaqqat ornittagaanni, sunngiffimmut aaqqissuuussiffintti assigisaanilu politiit inuup timaa, atisai, pigisai, ingerlanermut atortorissaarutai misissorsinnaavaat, arlaata sakkumik/-nik paarisaqarsinnaanera imaluunniit tigummiaqarsinnaanera paasiniarlugu, tak. imm. 2.

*Imm. 2.* Imm. 1-imik taaneqartutut misissuineq pisinnaavoq, arlaata pinerlunnera tunngavilimmik pinaveersaartinniarlugu, inuit inuunerannik, peqqissusaannik atugarissaarneranillu navianartorsiortitsisoq.

*Imm. 3.* Imm. 1-imik taaneqartutut misissuiniissamut aalajangiissaaq politiit pisortaata imaluunniit politiit pisortaata piginnaatitaa. Aalajangiineq tunngavilersorlugu allaganngortinnejassaaq, tassani allaganngortitsinermi ilanngunneqassallutik sumiiffik aamma piffissaq aalajangiinermut tunngasut.

*Katersuunnerit aamma eqiterunnerit*

**§ 7.** Politiit suliassaraat innuttaasut katersuussinnaanermut pisinnaati-taaffiat illersussallugu.

*Imm. 2.* Politiit pisinnaatitaapput katersunnerit tamat peqataaffigisaat nakkutigissallugit. Katersunnerit tamat peqataaffigisaat politiinut nalunaarutigineqassapput, uani inatsimmi § 23-mi malittarisassat aalajangersak-kat malillugit.

*Imm. 3.* Politiit naalakkiutigisinnaavaat katersunneq allami inger-lanneqassasoq, pilersaarutigineqartumi pinnani, imaluunniit atugassanik al-lanik aalajangersaasinnaapput katersunnerup ingerlanneqarnissaanut, an-nertuumik akornusersuinikkut tamat torersuunerannut ulorianartorsiortitsi-sinnaasumik tunngavilimmik pasinartoqarpat, tassani ilagitillugit angallan-nernik annertuumik akornusersuinerit imaluunniit inuit ataasiakkaat inui-aqatigiinnilu tamat isumannaassusaannut ulorianartorsiortitsinerit.

*Imm. 4.* Politiit silami katersunnissat inerteqqutigisinnaavaat, naliler-neqarpat tamat eqqisisimanerannik ulorianartorsiortitsisoqassasoq.

*Imm. 5.* Silami katersunneq tamat eqqisisimanerannik ulorianartorsiortitsippat, politiit naalakkiisinjaapput katersunneq unitsinneqarluni taamaatinneqassasoq.

*Imm. 6.* Imm. 4 malillugu inerteqquteqarneq malinneqanngippat, imaluunniit imm. 5 malillugu naalakkiut malinneqanngippat, katersunneq unitsinneqarluni taamaatinneqarsimasutut isigineqassaaq, politiillu eqite-runneq iliuuseqarfingisinnaavaat.

**§ 8.** Politiit silami tamat katersuuffigisaanni katersunnermut peqataasunut akuliussinnaapput, pineqartut tamat torersuunerannut uloria-nartorsiortitsippata imaluunniit inunnut ataasiakkaanut inuaqatigiinnilu tamat isumannaassusaannut ulorianartorsiortitsippata.

*Imm. 2.* Tamat katersuuffigisaanni allani, imm. 1-imi eqqaaneqan-gitsuni, katersuuttut aqtsisuata noqqaaneratigut, politiit peqataasunut akuliussinnaapput tamat torersuunerannik akornusersuinissamut ulorianaa-teqartunut. Katersuuttut aqtsisuat noqqaassuteqanngikkaluartoq politiit peqataasut akuliuffigisinnaavaat, pineqartut sakkortuumik tamat torersuunerannik akornusersuippata imaluunniit isumannaassuseq ulorianartorsiortippassuk.

*Imm. 3.* Imm. 1-imi aamma 2-mi taaneqartutut ulorianartorsiorkerit pinn-gitsoortinniarlugit politiit akuliussinnaapput inummut inunnnulluunniit ulo-rianartorsiortitsisunut. Tassunga ilagitillugu politiit

- 1) naalakkiisinjaapput,
- 2) inuup timaa, atisai, pigisai, ingerlanermut atortorissaarutai misissori-sinnaavaat, inuk pineqartoq pasineqarpat tamakkua tamat eqqissisi-

manerannik imaluunniit torersuunerannut akornusersuutitut atorneqartut imaluunniit inuit ataasiakkaat inuiaqtigiinnilu tamat isumannaassusaannut ulorianartorsiortitsinermut atorneqartut, aamma

- 3) inuit pigisaannik arsaarinnissinnaapput.

*Imm. 4.* Ulorianartorsiortitsinerup pinngitsoortinnejarnissaanut akuliunneq sakkukinnerusoq iluaqutaanngippat, tak. imm. 3, pisariaqarpallu nammeneersinnaajunnaarsitsisoqarsinnaavoq, tak. § 3, inummik inunnilluunniit ulorianartorsiortitsisunik. Nammeneersinnaajunnaarsitsineq sapin-ngisamik sivikitsuussaaq qajassuartumillu ingerlanneqassalluni aammalu sapinngisamik sivisussuseqassalluni nalunaaquttap akunneri 12-it qaangernagit.

*Imm. 5.* Politiit eqqartuussivik aalajangiiseqqaarnagu sumiiffimmut imaaliallaannaq iserfigineqarsinnaanngitsumut isersinnaapput ulorianartorsiortitsinermik pinngitsoortitsinissaq imm. 1-im i aamma 2-mi taaneqartutut pisariaqarpat.

**§ 9.** Politiit suliassaraat eqiterunnerit pinngitsoortissallugit, tamat eqqisisimannerannik aammalu torersuunerannik akornusiinissamut ulorianartorsiortitsisut imaluunniit inuit ataasiakkaat inuiaqtigiinnilu tamat isumannaassusaannut ulorianartorsiortitsisut.

*Imm. 2.* Imm. 1-im i taaneqartutut ulorianartorsiorterit pinngitsoortinniarlugit politiit akuliussinnaapput inummut inunnilluunniit ulorianartorsiortitsisunut. Tassunga ilagitillugu politiit

- 1) naalakkiisinnaapput,
- 2) inuup timaa, atisai, pigisai, ingerlanermut atortorissaarutai misissorsinnaavaat, inuk pineqartoq pasineqarpat tamakkua tamat eqqisisimannerannik imaluunniit torersuunerannut akornusersuutitut atorneqartut imaluunniit inuit ataasiakkaat inuiaqtigiinnilu tamat isumannaassusaannut ulorianartorsiortitsinermut atorneqartut, aamma
- 3) inuit pigisaannik arsaarinnissinnaapput.

*Imm. 3.* Ulorianartorsiortitsinerup pinngitsoortinnejarnissaanut akuliunneq sakkukinnerusoq iluaqutaanngippat, tak. imm. 2, pisariaqarpallu nammeneersinnaajunnaarsitsisoqarsinnaavoq, tak. § 3, inummik inunnilluunniit ulorianartorsiortitsisunik. Nammeneersinnaajunnaarsitsineq sapin-ngisamik sivikitsuussaaq qajassuartumillu ingerlanneqassalluni aammalu sapinngisamik sivisussuseqassalluni nalunaaquttap akunneri 12-it qaangernagit.

*Imm. 4.* Politiit eqqartuussivik aalajangiiseqqaarnagu sumiiffimmut imaaliallaannaq iserfigineqarsinnaanngitsumut isersinnaapput ulorianartorsiortitsinermik pinngitsoortitsinissaq imm. 1-im i taaneqartutut pisariaqarpat.

*Imm. 5.* Politiit eqiterunneq siaruartissinnaavaat, najuuttut siaruarternis-samut kunngip aqqani pingasoriarluni kajumissaarneqareeraluarlutik siaru-artinngippata. Politiit saassunneqarpata, eqiterunneq siaruarterneqarsin-naavoq, najuuttut tamanna sioqqullugu kajumissaarneqanngikkaluartut. Politiit eqiterunnermik siaruarterinissamut pissaanermik atuisinnaapput.

*Inuit sanngiinnerusut aamma inuit navianartumi inissisimasut*

**§ 10.** Politiit inuk napparsimanini, ajoquersimanini imaluunniit imminut ikiorsinnaannginnini pissutigalugu imminut isumagisinnaanngitsoq ikiussavaat, sumiiffimmi naammattoorneqartoq pineqartumut ulorianartumi imaluunniit allanut inunnut ulorianartumi imaluunniit tamat torersuunerannut isumannaassusaannullu ulorianartumi. Pasineqarpat inuk nakorsamit ikorneqartariaqartoq, pineqartoq piaarnerpaamik nakorsamit misissorneqas-saaq. Sumiiffigisami nakorsamik najuuttoqanngippat, peqqinnissaqarfik aalajangersinnaavoq, pineqartumut misissuineq peqqinnissaqarfimmi suli-sumit allamit ingerlanneqassasoq.

*Imm. 2.* Politiit inuup napparsimasup imaluunniit imminut ikiorsinnaanngitsup timaa, atisai, pigisai, ingerlanermut atortorissaarutai misissorsinnaavaat aamma eqqartuussivik aalajangiiseeqqaarnagu sumiiffimmut imaaliallaannaq iserfigineqarsinnaanngitsumut isersinnaapput, siunertaralugu

- 1) inuk naliliiffigissallugu aamma inuup imminut ulorianartorsiortissin-naanera nalilissallugu,
- 2) pineqartumut inunnnulluunniit allanut ulorianartut pinngitsoortissallu-git imaluunniit tamat torersuunerannut isumannaassusaannullu uloria-nartut pinngitsoortissallugit imaluunniit
- 3) inuup pineqartup kinaassusaa paasiniarlugu.

*Imm. 3.* Inummut napparsimasumut imaluunniit imminut ikiorsinnaanngitsumut imaluunniit inunnut allanut imaluunniit tamat torersuunerannut isumannaassusaannullu ulorianartoq pinngitsoortinniarlugu, politiit inummut pineqartumut allatigut akuliussinnaapput aamma naalak-kiisinnaapput aammalu pineqartoq pigisaanik arsaarsinnaallugu.

*Imm. 4.* Inummut napparsimasumut imaluunniit imminut ikiorsinnaanngitsumut imaluunniit inunnut allanut imaluunniit tamat torersuunerannut isumannaassusaannullu ulorianartorsiortsinerup pinngitsoortinneqarnisaanut akuliunneq sakkukinnerusoq iluaqutaanngippat, tak. imm. 2 aamma 3, pisariaqarpallu inuk pineqartoq napparsimasoq imaluunniit imminut ikiorsinnaanngitsoq nammerneersinnaajunnaartinneqarsinnaavoq, tak. § 3, pineqartup angerlaanneqarnissaa, nakorsamit misissorneqarnissaa imaluun-

niit allanut pineqartumut illersorsinnaasumik isumaginnissinnaasunut tunniunneqarnissaa siunertaralugu. Nammineersinnaajunnaarsitsineq sapinngisamik sivikitsuussaaq qajassuartumillu ingerlanneqassalluni.

**§ 11.** Politiit inuk imigassartorsimanini, ilisimajunnaarnartutorsimanini allatulluunniit aanngajaarniutorstimanini pissutigalugu imminut isumagisinnaajunnaarsimasoq ikiussavaat, sumiiffimmi naammattoorneqartoq pineqartumut ulorianartumi imaluunniit allanut inunnut ulorianaranartumi imaluunniit tamat torersuunerannut isumannaassusaannullu ulorianartumi. Pasineqarpat inuk nakorsamit ikiorneqartariaqartoq, pineqartoq piaar-nerpaamik nakorsamit misissorneqassaaq. Sumiiffigisami nakorsamik najuut-toqanngippat, peqqinnissaqarfik aalajangersinnaavoq, pineqartumut misis-suineq peqqinnissaqarfimmi sulisumit allamit ingerlanneqassasoq.

*Imm. 2.* Politiit inuup pineqartup timaa, atisai, pigisai, ingerlanermut atortorissaarutai misissorsinnaavaat aamma eqqartuussivik aalajangiisequaarnagu sumiiffimmut imaaliallaannaq iserfigineqarsinnaanngitsumut isersinnaapput, siunertaralugu

- 1) inuk naliliiffigissallugu aamma inuup imminut ulorianartorsiortissin-naanera nalilissallugu,
- 2) pineqartumut inunnuluunniit allanut ulorianartut pinngitsoortissallugit imaluunniit tamat torersuunerannut isumannaassusaannullu ulorianartut pinngitsoortissallugit imaluunniit
- 3) inuup pineqartup kinaassusaa paasiniarlugu.

*Imm. 3.* Inummut imigassartorsimalluni aalakoortumut imaluunniit inunnut allanut imaluunniit tamat torersuunerannut isumannaassusaannullu ulorianartoq pinngitsoortinniarlugu, politiit inummut pineqartumut akuliussinnaapput, naalakkiisinnaapput aammalu pineqartup aalakoornartuutaanik, ilisimajunnaarnartuutaanik imaluunniit allanik pigisanik arsaarsinnaavaat.

*Imm. 4.* Inummut aalakoortumut imaluunniit inunnut allanut imaluunniit tamat torersuunerannut isumannaassusaannullu ulorianartorsiortitsinerup pinngitsoortinneqarnissaanut akuliunneq sakkukinnerusoq iluaqutaangippat, tak. imm. 2 aamma 3, pisariaqarpallu inuk pineqartoq aalakoortoq nammerneersinnaajunnaartinneqarsinnaavoq, tak. § 3, pineqartup anger-laanneqarnissaa imaluunniit allanut pineqartumut illersorsinnaasumik isumaginnissinnaasunut tunniunneqarnissaa imaluunniit napparsimmavimmut, ikiortariallit inaannut imaluunniit isertitsivimmut allamulluunniit inissineqarnissaa siunertaralugu. Nammineersinnaajunnaarsitsineq sapinngisamik sivikitsuussaaq qajassuartumillu ingerlanneqassalluni.

*Imm. 5.* Justitsministeri isertitsivinnut inissiisarnermut, nakorsamit misissorneqartarnermut, isertitsivimmiittunillu nakkutilliisarnermut malittarisassanik aalajangersaassaaq.

**§ 12.** Meeraq 12-it ataallugit ukiulik, § 11-imí taaneqartutut pisuni naam-mattoorneqartoq, isertitsivimmíittussanngortinneqarsinnaanngilaq.

*Imm.* 2. Meeraq 15-it ataallugit ukiulik, § 11-imí taaneqartutut naammatoorneqartoq, aatsaat isertitvivimmíittussanngortinneqarsinnaavoq allatut inissiinissaq isumannaassuseq eqqarsaataligulu illorsorneqarsinnaanngippat meeqqap pissusilersorneratigut. Meeraq 15-it ataallugit ukiulik isertitsivimmíittussanngortinneqarpat erngertumik nakorsamit pineqartoq misis-sorneqassaaq. Isertitsivimmíitsitsineq sapinngisamik sivikitsuussaaq qajas-suartumillu ingerlanneqassalluni aammalu sapinngisamik sivisussuseqas-salluni nalunaaquttap akunneri 4-t qaangernagit, periarfissaanngippat piffis-sap taassuma iluani allamut illorsorsinnaasumik meeqqamik paaqqutarin-nissinnaasunut inissiinissaq.

*Imm.* 3. Politiit meeraq 15-it ataallugit ukiulik nammineersinnaajunnaart-tissimaguniku erngertumik meeqqamut oqartussaasunut, inunnik isuma-ginnittunut imaluunniit allanut illorsorsinnaasumik meeqqamik paaqquta-rinnissinnaasunut nalunaaruteqassapput.

*Imm.* 4. Meeraq 15-iniit 17-inut ukiulik isertitsivimmíitsinneqarpat, politiit pineqartup ivertitsivimmíitsineqarnera angerlarsimaffianut saaffigin-nissutigissavaat.

*Imm.* 5. Sumiiffigisami nakorsamik najuuttoqanngippat, peqqinnissaqarfik aalajangersinnaavoq, pineqartumut misissuineq peqqinnissaqarfimmi sulisumit allamit ingerlanneqassasoq, tak. imm. 2.

**§ 13.** Meeraq §§ 10 og 11-imí taaneqatuniit pisuni allaanerusuni naam-mattoorneqarpat, meeqqap isumannaassusaanut imaluunniit peqqissusaanut ulorianartumi, politiit meeraq isumagissavaat. Pasitsanneqarpat meeraq napparsimasoq imaluunniit annertuumik ajoquusersimasoq, taava piaerner-paamik meeraq pineqartoq nakorsamut misissortinneqassaaq. Sumiiffigi-sami nakorsamik najuuttoqanngippat, peqqinnissaqarfik aalajangersinnaavoq, pineqartumut misissuineq peqqinnissaqarfimmi sulisumit allamit ingerlanneqassasoq.

*Imm.* 2. Politiit meeqqap timaa, atisai, pigisai, ingerlanermut atortoris-saarutai misissorsinnaavaat aamma eqqartuuussivik aalajangiiseeqqaarnagu sumiiffimmut imaaliallaannaq iserfigineqarsinnaanngitsumut isersinnaap-put, siunertalarugu

- 1) meeqqamut ulorianataasup nalilernissaa,
- 2) meeqqap ulorianartorsiortinneqarsinnaanerata pinngitsoortinnissaa imaluunniit
- 3) meeqqap kinaassusaata paasinissaa.

*Imm. 3.* Meeqqamut ulorianartoq pinngitsoortinniarlugu politiit pineqartumut akuliussinnaapput, naalakkiisinnaapput aammalu meeqqap pigisaanik arsaarsinnaallugu.

*Imm. 4.* Meeqqamut ulorianartorsiortitsinerup pinngitsoortinnejarnissaanut akuliunneq sakkukinnerusoq iluaqutaanngippat, tak. imm. 2 aamma 3, pisariaqarpallu meeraq nammerneersinnaajunnaartinneqarsinnaavoq, tak. § 3, erngertumik meeqqamut oqartussaasunut, inunnik isumaginnittunut imaluunniit allanut illersorsinnaasumik meeqqamik paaqqutarinnissinnaasunut pineqartup tunniunnissaa siunertaralugu. Nammineersinnaajunnaarsitsineq sapinngisamik sivikitsuussaaq qajassuartumillu ingerlanneqassalluni. Nammineersinnaajunnaarsitsineq sapinngisamik sivikitsuussaaq qajassuartumillu ingerlanneqassalluni aammalu sapinngisamik sivisususeqassalluni nalunaaquttap akunneri 6-it qaangernagit.

## Kapitali 4

### *Politiit pissaanermik atuinerat*

#### *Aalajangersakkat naliginnaasut*

**§ 14.** Kapitalimi uani aalajangersakkat politiit pissaanermik atuinerannut aammalu pinerluttulerinermi pisinnaatitaaffinnut atuupput.

#### **§ 15.** Politiit pissaanermik atuisinnaapput

- 1) tamat eqqisisimanagerannut, torersuunerannut inuit ataasiakkaat inui-aqatigiinnilu tamat isumannaassusaannut ulorianartorsiortitsisut pina-veersaartinnissaat pinngitsoortinnissaallu siunertaralugu,
- 2) arlaat sakkumik pigisaqarnersoq imaluunniit tigummiarnersoq misis-sornissaa siunertaralugu,
- 3) pinerlunnerit unitsinnissaannut imaluunniit pinerlunnernik paasinia-nermut malersuinermillu tunngatillugu pinerlunnerit unitsinnissaan-nut,
- 4) oqartussat pisortaqarfiinut allanut ikuunnermut tunngatillugu,
- 5) misissuinermit nakkutiginninnermillu suliassanut tunngatillugu, aamma
- 6) meeqqap imaluunniit aalakoortup, napparsimasup imaluunniit immi-nut ikiorsinnaanngitsup ulorinartorsiotsinnaanerata naliliiffiginissaa siunertaralugu.

**§ 16.** Politiit pissaanermik atuinerat pisariaqassaaq illorsorneqarsinnaasumillu ingerlanneqassalluni aammalu illorsorniakkamut/-nut tunngatil-lugu taamaallaat atortoqarluni naleqquttnik, annertussuseqarlunilu nalequttumik, ingerlanneqassalluni. Illorsorneqarsinnaanera eqqarsaati-galugu nalilersuinermi ilangunneqassaaq, pissaanermik atuinermi allat sussuteqannngitsut ajoquserneqaratarsinnaanerat.

*Imm. 2.* Pissaanermik atuisoqassaaq qajassuartumik, avatangiisit peqataaffigisinnaasaannik aammalu ajoqusertoqaratarsinnaanera minner-paaffissaaniitinneqassaaq.

*Pissaanermik atueriaatsit immikkuullarissut pillugit aalajangersakkat*

**§ 17.** Tulliuttuni taaneqartut siunertalarugit aallaosit taamaallaat ator-neqarsinnaapput

- 1) inummut saassussilernerup imaluunniit inummut navianartorsiortitsil-luni saassussinerup pinngitsoortinnissaanut,
- 2) inuit annertuumik ulorianartorsiortinneqarnerisa imaluunniit peqqis-sutsikkut annertuumik ajoquusersinnaanerisa pinngitsoortinnissaan-nut,
- 3) suliffeqarfinnut atortulersuuteqarfiilluunniit inuaqatigiinnut pingaa-ruteqartunut saassussilernerit imaluunniit navianartorsiortitsilluni sa-assussinerit pinngitsoortinnissaannut,
- 4) inuup inoqatiminut ulorianartumik saassussisutut imaluunniit saassus-sisimasutut tunngavissaqarluartumik pasisap tigusarinissaanut, aarle-rinangippat pineqartup tigusariniarneqarnermini saassusseqqueri-ataarsinnaanera,
- 5) inuup suliffeqarfinnut atortulersuuteqarfiilluunniit inuaqatigiinnut pingaaruteqartunut saassussisutut imaluunniit saassussisimasutut tunngavissaqarluartumik pasisap tigusarinissaanut, imaluunniit
- 6) inuup naalagaaffiup namminersorneranut, isumannaassusaanut, tunngaviusumik naalagaaffiup inatsisaanut imaluunniit naalagaaf-fimmi oqartussaqarfinnut qullersaasunut saassussisutut imaluunniit saassussisimasutut tunngavissaqarluartumik pasisap tigusarinissa-a-nut.

*Imm. 2.* Politiit inummut ajoqsiisinnaasumik aallanninnginnerminni sapinngisamik pineqartumut kalerrisaarillutik suaartaqqaassapput taassumalu kingorna kalerrisaarummik aallaassapput, kalerrisaarutigalugu pineqartu-mut aallaanninnissamik siunertaqarlutik naalakkiinertik naalanneqanngi-inarpas. Aammalu qualkkeerneqassaaq, sapinngisamik pineqartup naalakki-ummut naalannissamut periarfissinneqarnissaa.

*Imm. 3.* Aallaanninniarnermut atatillugu sussuteqanngitsut eqqortoorneqarsinnaanerat ulorianataavallaarpal, taava aatsaat pinartoqavitsil-lugu aallaannittooqassaaq.

*Imm. 4.* Imm 1, nr. 1-imik imaluunniit nr. 2-mi taaneqartutut pisoqanngippat, politiit naalakkaminnit naalakkerneqarnikkut aallaasinik taamaallaat atuisinnaatitaapput.

*Imm. 5.* Politiit aallaanninnerannik inuk ajoquserneqarpat, pineqartoq pi-arnerpaamik nakorsamit misissorneqassaaq. Sumiiffisami nakorsamik najuuttoqanngippat, peqqinnissaqarfik aalajangersinnaavoq, pineqartumut misissuineq peqqinnissaqarfimmi sulisumit allamit ingerlanneqassasoq.

**§ 18.** Tulliuttuni taaneqartut siunertaralugit anaatat taamaallaat atorneqarsinnaapput

- 1) inummik saassusinerup imaluunniit pineqartumut annertuumik ulorianartorsiortitsilluni saassusinerup pinngitsoortinnejarnissa siunertaralugu,
- 2) inuit inuunerannut imaluunniit peqqissusaannut annertuumik ulorianartorsiortitsinerit pinngitsoortinnejarnissaat siunertaralugu,
- 3) suliffeqarfinnut atortulersuuteqarfiilluunniit inuaqatigiinnut pingaa-uteqartunut saassussilernerit imaluunniit navianartorsiortitsilluni sa-assusinerit pinngitsoortinnissaannut,
- 4) pigisanut saassussilernerit imaluunniit navianartorsiortitsilluni pigi-sanut saassusinerit pinngitsoortinnissaannut,
- 5) inuaqatigiinni kiffartuussinerit, iliuuseqarnikkut akerliuffigineqartut, ingerlanneqaannarnissaat siunertaralugu, imaluunniit
- 6) ilatsiinnarluni akerliuffigineqartut inuaqatigiinni kiffartuussinerit in-gerlanneqaannarnissaat siunertaralugu, nalilerneqarpat kiffartuussi-neq ingerlaannarsinnaajunnaartinneqartoq aammalu sakkukinnerusu-mik pissaanermik atuineq alla naleqqutingnitsoq.

*Imm. 2.* Aqquserngit, inissiat il. il. inuerunmissaat siunertaralugu anaatanik atuilertinnani pineqartunut kalerrutigineqqaassaaq, politiit anaatanik atuinissamut pilersaaruteqalernerat, politiit naalakkiinerat naalan-neqanngippat. Sapinngisamik aamma qulakkeerneqassaaq, pineqartut naalakkiummut naalannissamut periarfissinneqarnissaat.

*Imm. 3.* Politiit anaatanik atuinerat inuup ajoquserneranik kingune-qarsimappat, pineqartoq piaarnerpaamik nakorsamit misissorneqassaaq, pineqartup misissortinnissa pisariaqanngitsutut nalilerneqarsimannngippat. Sumiiffisami nakorsamik najuuttoqanngippat, peqqinnissaqarfik aalaja-ngersinnaavoq, pineqartumut misissuineq peqqinnissaqarfimmi sulisumit allamit ingerlanneqassasoq.

**§ 19.** Tulliuttuni taaneqartut siunertaralugit qimmit taamaallaat atorneqarsinnaapput

- 1) inummik saasussinerup imaluunniit pineqartumut annertuumik ulorianartorsiortitsilluni saassussinerup pinngitsoortinneqarnissaa siunertaralugu,
- 2) inuit inuunerannut imaluunniit peqqissusaannut annertuumik ulorianartorsiortitsinerit pinngitsoortinneqarnissaat siunertaralugu,
- 3) suliffeqarfinnut atortulersuuteqarfiilluunniit inuiaqatigiinnut pingaauteqartunut saassussilernerit imaluunniit navianartorsiortitsilluni saassussinerit pinngitsoortinnissaannut,
- 4) pigisanut saassussilernerit imaluunniit navianartorsiortitsilluni pigisanut saassussinerit pinngitsoortinnissaannut,
- 5) isumannaatsumik inunnik tigusarininnissaq siunertaralugu,
- 6) inuiaqatigiinni kiffartuussinerit, iliuuseqarnikkut akerliuffigineqartut, ingerlanneaannarnissaat siunertaralugu, imaluunniit
- 7) inuiaqatigiinni kiffartuussinerit, ilatsiinnarnikkut akerliuffigineqartut, ingerlanneaannarnissaat siunertaralugu, nalilerneqarpat kiffartuussineq ingerlaannarsinnaajunnaartinneqartoq aammalu sakkukinerusumik pissaanermik atuineq alla naleqqutinngitsoq.

*Imm. 2.* Qimmeq atorneqalertinnagu pineqartunut kalerriutigineqaq-qassaaq, politiit qimmimik atuinissamut pilersaaruteqalererat, politiit naalakkiinerat naalanneqanngippat. Sapinngisamik aamma qulakkeerneqassaaq, pineqartut naalakkiummut naalannissamut periarfissinnejarnissaat.

*Imm. 3.* Politiit qimmimik atuinerat inuup ajoquuserneranik kinguneqarsimappat, pineqartoq piaarnerpaamik nakorsamit misissorneqassaaq, pineqartup misissortinnissaa pisariaqanngitsutut nalilerneqarsimanngippat. Sumiiffisami nakorsamik najuuttoqanngippat, peqqinnissaqarfik aalajangersinnaavoq, pineqartumut misissuineq peqqinnissaqarfimmi sulisumit allamit ingerlanneaqassasoq.

**§ 20.** Tulliuttuni taaneqartut siunertaralugit gassi taamaallaat atorneqarsinnaavoq

- 1) inummik saasussinerup imaluunniit pineqartumut annertuumik ulorianartorsiortitsilluni saassussinerup pinngitsoortinneqarnissaa siunertaralugu,
- 2) inuit inuunerannut imaluunniit peqqissusaannut annertuumik ulorianartorsiortitsinerit pinngitsoortinneqarnissaat siunertaralugu,
- 3) suliffeqarfinnut atortulersuuteqarfiilluunniit inuiaqatigiinnut pingaauteqartunut saassussilernerit imaluunniit navianartorsiortitsilluni saassussinerit pinngitsoortinnissaannut,

- 4) pigisanut saassussilernerit imaluunniit navianartorsiortitsilluni pigisanut saassussinerit pinngitsoortinnissaannut, imaluunniit
- 5) inuaqatigiinni kiffartuussinerit, iliuuseqarnikkut imaluunniit ilatsiinnarnikkut akerliufffigineqartut, ingerlanneqaannarnissaat siunertaralugu.

*Imm. 2.* Gassi atorneqalertinnagu pineqartunut kalerriutigineqaqqasaq, politiit gassimik atuinissamut pilersaaruteqalernerat, politiit naalakkiinerat naalanneqanngippat. Sapinngisamik aamma qulakteerneqassaaq, pineqartut naalakkiummut naalannissamut periarfissinneqarnissaat.

*Imm. 3.* Politiit gassimik atuinerat inuup iluaalliulerneranik kinguneqarsimappat, nalilerneqarpallu iluaalliuut nakorsamit misissorneqartariaqtoq, pineqartoq piaarnerpaamik nakorsamit misissorneqassaaq. Sumiiffigisami nakorsamik najuuttoqanngippat, peqqinnissaqarfik aalajangersinnaavoq, pineqartumut misissuineq peqqinnissaqarfimmi sulisumit allamit ingerlanneqassasoq.

#### **§ 20 a. Tulliuttuni taaneqartut siunertaralugit pebersprayi taamaallaat atorneqarsinnaavoq**

- 1) inummik saassussinerup imaluunniit pineqartumut annertuumik ulorianartorsiortitsilluni saassussinerup pinngitsoortinnejarnissaat siunertaralugu,
- 2) inuit inuunerannut imaluunniit peqqissusaannut annertuumik ulorianartorsiotsinerit pinngitsoortinnejarnissaat siunertaralugu,
- 3) suliffeqarfinnut atortulersuuteqarfiilluunniit inuaqatigiinnut pingaa-ruteqartunut saassussilernerit imaluunniit navianartorsiortitsilluni saassussinerit pinngitsoortinissaannut,
- 4) pigisanut saassussilernerit imaluunniit navianartorsiortitsilluni saassussinerit pinngitsoortinissaannut,
- 5) inuaqatigiinni kiffartuussinerit akerliufffigineqartut ingerlanneqaannarnissaat siunertaralugu, imaluunniit
- 6) inuaqatigiinni kiffartuussinerit ilatsiinnarnikkut akerliufffigineqartut ingerlaannarsinnaissaat siunertaralugu aamma nalilerneqarpal kiffartuussinerit ingerlaannarnissaat kinguartitassaajunnaartoq aammalu sakkukinnerusumik pissaanermik atuineq alla naleqqukkunnaartoq.

*Imm. 2.* Peberspray atorneqalertinnagu pineqartunut kalerriutigineqaqqasaq, politiit pebersprayimik atuinissamut pilersaaruteqalernerat, politiit naalakkiinerat naalanneqanngippat. Sapinngisamik aamma qulakteerneqassaaq, pineqartut naalakkiummut naalannissamut periarfissinneqarnissaat.

*Imm. 3.* Politiit pebersprayimik atuinerat inuup iluaalliulerneranik kinguneqarsimappat, nalilerneqarpallu iluaalliuut nakorsamit misissorne-

qartariaqartoq, pineqartoq piaernerpaamik nakorsamit misissorneqassaaq. Sumiiffisami nakorsamik najuttoqanngippat, peqqinnissaqarfik aalajangersinnaavoq, pineqartumut misissuineq peqqinnissaqarfimmi sulisumit allamit ingerlanneqassasoq.

**§ 21.** Aallaasinik, anaatanik, qimminik, gassinik pebersprayinillu politiit atuinerat pillugu justitsministeri malittarisassanik aalajangersaassaaq.

*Imm. 2.* Taassuma saniatigut justitsministeri politiit pissaanermik atuinerat pillugu malittarisassanik aalajangersaasinnavaoq.

## Kapitali 5

### *Politiit imminut ikiornissamut iliuusissaat*

**§ 22.** Politiit piareersaatit ingerlassinnaavaat, imaaliisoqarpat

- 1) akisussaasup inatsit manna imaluunniit malittarisassat uannga inatsimmit aallaaveqartut malillugit naalakkiutigineqartut malissimanngippagit, pineqartullu ilisimatinneqarnermigut paasereersimaguniuk naalakkiummik malinninnginneq qanoq kinguneqarsinnaanersoq, imaluunniit
- 2) inuit ataasiakkaat imaluunniit tamat isumannaassusaat illersorniar-lugu, imaluunniit tamat torersuunerannik annertuumik akornu-sersuutaasut pinngitsoortinniarlugit, erngertumik akuliunneq pisari-aqarpat.

*Imm. 2.* Imm. 1 malillugu piareersaateqarnermi akisussaasuusoq politiit aningaarsartuutaannut matussusiinissamut pisussaaffeqarpoq. Aningaa-sartuutinut qularnaveeqqusiusaqarluni taarsigassarsitsisoqarsinnaavoq.

## Kapitali 6

### *Piginnaatitsisarneq pillugu aalajangersakkat*

**§ 23.** Tamat torersuunerat aammalu inuit ataasiakkaat imaluunniit tamat isumannaassusaata qulakteerneqarnissaannut, ulorianartorsiornernik imaluunniit angallannermi akornutaasinnaasut pakkersimaarnissaannut, uumasunut tamat ornittagaaniittunut, pisortat atortulersuutaannut, illut nor-muinut allagarsiissutinullu, aqqusinerni suliffeqarfinnut, tamat nuannaari-artarfiinut, aqqusinernik eqqiluisaartitsinermut akornutaasinnaasut il. il. pinngitsoortinnissaannut jusitsministeri malittarisassanik aalajanger-saas-saaq.

*Imm. 2.* Imm. 1 malillugu aalajngersakkat malittarisassanik imaqarsinnaapput, politiit pisortaata naalakkiutaagallartutut imaluunniit inerteqquaagallartutut invertitaanik, siunertaralugu tamat torersuunerannut imaluunniit inuit ataasiakkaat imaluunniit tamat isumannaassusaanut ulorinaataasinnaasut pinaveersaatinnissaat. Imm. 1 malillugu aalajngersakkat aamma malittarisassanik imaqarsinnaapput, politiit pisortaata, pisuni immikuullarissuni, illoqarfip iluani imaluunniit sumiiffimmi killilerneqarsimasum zone-meequsaannginnermik nalunaaruteqarsinnaaneranik, siunertaralugu tamat torersuunerannut imaluunniit inuit ataasiakkaat imaluunniit tamat isumannaassusaanut ulorinaataasinnaasut pinaveersaatinnissaat.

*Imm. 3.* Malittarisassani, Imm. 1 aamma 2 malillugit aalajangersarneqartuni, aalajangersarneqarsinnaavoq malittarisassanik unioqqutitsineq imaluunniit naalakkiummik inerteqqummilluunniit malinninnginnej, pinerluttulerinermi inatsit naapertorlugu, piareersaateqarnermik kinguneqarsinnaavoq. Tassunga ilagitillugu aalajangersarneqarsinnaavoq, suliffeqarfifit il. il. (inuit pisussaatitaasut pisinnaatitaasullu) unioqqutitsippata suliffeqarfifit il. il. pinerlunnermut akisussaatinneqarsinnaapput pinerluttulerinermi inatsimmi kapitali 5-imi malittarisassat malillugit.

**§ 24.** Justitsministeri kommuninut tamanut politiinut ileqqoreqqusassanik aalajangersaasinnaavoq, kommunini ataasiakkaani Kalaallillu Nunaata avannaarsuata kangianiittumi Nunami Allanngutsaaliukkami pissutsit immikuullarissut naapertorlugit.

*Imm. 2.* Politiinut ileqqoreqqusassatut siunnersuut politiit pisortaata suliarissavaa kommuni/-t pineqartoq/-tut oqaloqtigereerneratigut/-isigut, politiinullu ileqqoreqqusaq Kalaallit Nunaata avannaarsuata kangianiittumi Nunami Allanngutsaaliukkami atuuttussaq Naalakkersuisut oqaloqtigereernerisigut politiit pisortaata suliarissavaa.

*Imm. 3.* Politiinut ileqqoreqqusaq tamat torersuunerannik qularnaarininnermut, inuit ataasiakkaat aammalu tamat isumannaassusaannik illersuinermut aammalu inerteqquteqarallanermut naalakkiuteqarallarnermullutunngasunik aalajangersakkanik imaqarsinnaavoq.

*Imm. 4.* Politiinut ileqqoreqqusami aalajangersarneqarsinnaavoq, ileqqoreqqusami aalajangersakkanik unioqqutitsineq imaluunniit naalakkiummik inerteqqummilluunniit malinninnginnej ileqqoreqqusaq malillugu akiligassitsinnermik kinguneqarsinnaasut. Tassunga ilagitillugu aalajangersarneqarsinnaavoq, suliffeqarfifit il. il. (inuit pisussaatitaasut pisinnaatitaasullu) unioqqutitsippata suliffeqarfifit il. il. pinerlunnermut akisussatinneqarsinnaapput pinerluttulerinermi inatsimmi kapitali 5-imi malittarisassat malillugit.

*Imm. 5. Politiinut ileqqoreqqusat Lovtidende-mi tamanut saqqummiun-neqassapput.*

## Kapitali 6 a

### *Illersornissaqarfíup politiinut ikiuinera*

**§ 24 a.** Politiit Illesornissaqarfimmut ikiorneqarnissamut noqqaasinnaap-put ikiorneqarlillu, uani inatsimmi taaneqartut suliassat naammassis-saannut:

- 1) Aaqquissuussinerit anginerusut, ajutoornerit, ajunaarnersuit il. il. eqqarsaatigalugit angallannermik aqtsineq, misissuineq aamma mat-tussilluni ungalulersuinissamut piareersaatit.
- 2) Inatsisit atuuttut malillugit, misissuinermik aamma nakkutilliinermik politiinut suliassat.
- 3) Pigisanik imaluunniit inunnik ujaasineq.
- 4) Qimagussortitsinermik, kalerrisaarinermik, nakkutilliinermik, mattus-sinermik, paarsinermik aamma nakkutilliilluni angalaarnermik sulias-sat il. il. siunertaralugu, sakkortuumik pinerlunnerit allallu pisut inuit inuunerinik, peqqissusaannik imaluunniit suliffeqarfinnut atortu-lersuutinullu inuiaqatigiinnut pingaaruteqartunut ulorianartorsiortitsi-sinnaasunik pinaveersaatinnissaq aammalu pinngitsoortitsinissaq.
- 5) Inummik illersuineq, tigusamik annaassineq, operativ antiterrorbered-skabi, tigusarininnerit ulorianarnerusut aammalu suliassat allat im-mikkut iliuuseqarfiusut.
- 6) Suliassanik allanik Illersornissaqarfíup atuunneranut attuumassu-teqartunik imaluunniit Illersornissaqarfíup immikkut ilisimasaqarfí-gisaanik imaluuniit atortulersuutitigut naammassisinnaasaanik inger-latsineq.

*Imm. 2. Imm. 1 naapertorlugu ikiorneqarnissamut noqqaaneq taamaallaat pisinnaavoq, politiinut isumallutaasut naammanngippata imaluunniit naammappata, suliassaq eqqarsaatigalugu Illersornissaqarfíup naammassis-innaasaannut assingusutut.*

*Imm. 3. Eqqartuussisarermik inatsimmi § 62, imm. 3 malillugu Illersor-nissaqarfimmi sulisut politiitut oqartussaassuseqartitaasut uani kapitalimi aalajangersakkani pineqanngillat.*

**§ 24 b.** § 24 a malillugu Illersornissaqarfíup politiinut ikiuinera politiinit aquunneqassaaq aammalu politiit suliassanut naammassisinnaasat pillugu malittarisassanut naapertuuttumik ingerlanneqassalluni. Aalajangersakk-

nut potiinut tunngasunut naapertuutumik, Illersornissaqarfmmut teknikkikut, ingerlatsinikkut aammalu isumannaassutsimut aalajangersakkat atuutissapput.

*Imm. 2.* Politiinut ikuunnermut atatillugu Illersornissaqarfimmi sulisut aalajangersimasut iliuuseqarnissamut piginnaatinneqarsinnaapput, uani inatsimmi kapitali 3-5 malillugit aammalu eqqartuussisarnermi inatsisip tigusarininnermut, timikkut akuliunnermut, misissuinermut, arsaarinninnermut edition-imullu malittarisassai malillugit, politiinut iluaqutaasumik. Piginnaatitsineq pissaaq rigsopolitichefip imaluunniit Politiit Paasiniaasartuisa pisortaata aalajangersaanera malillugu aammalu forsvarsministerip imaluunniit taassuma pisinnaatitaata oqaloqatigineqareerneratigut.

**§ 24 c.** Justitsministeri forsvarsministeri isumaqatigiinniarfigeriarlugu politiit Illersornissaqarfimmiit ikiorneqarnissaannut, politiit suliassap naammassineqarnissaanut akisussaanerannut, politiit Illersornissaqarfieu sulisuinik aqtsisuunissaannut aammalu § 24 b, imm. 2 malillugu piginnaatitaanermik tunniussinissamut, tassani ilagitillugu ilinniagaqarsimanisamik piumasaqaatit il. il. pillugit, noqqaassutaat pillugit malittarisassanik aalajangersaasinjaavoq.

**§ 24 d.** Illersornissaqarfieu suliassaanut allanut atatillugu politiit Illersornissaqarfimmit ikiorneqarsinnaapput, imaani silaannarmilu politiit suliassaannut tunngatillugu.

*Imm. 2.* Justitsministeri forsvarsministeri isumaqatigiinniarfigeriarlugu Illersornissaqarfieu imm. 1 malillugu politiit imaani silaannarmilu suliassaannik isumaginninnerat pillugu malittarisassanik aalajangersaasinjaavoq.

**§ 24 e.** Justitsministeri forsvarsministeri isumaqatigiinniarfigeriarlugu Illersornissaqarfieu sakkutooqarfinnik pilersitsigallarnissaanut piareersaatqeqluni aalajangersaasinjaanera pillugu malittarisassanik aalajangersaasinjaavoq siunertaralugu, sakkutuunik, danskinik nuamilu allamiunik, Kalaallit Nunaanni sakkutooqarfuit avataanni inissisimasunik, taakkualu atortuinik, ulorianartorsiortitsisinnaasut pinaveersaartinnissaat pinngitsoortin-nissaallu.

## Kapitali 7

*Atuutsitsilernissamut aalajangersakkat il. il.*

**§ 25.** Peqqussut atuutilissaaq ulloq [...].

*Imm. 2. § 23, imm. 2, 2. imm., peqqussutip atuutilerneraniit ukiut pingasut qaangiunneranni atorunnaassaaq.*

**§ 26. (Kalaallit Nunaanni atuutilissanngilaq)**

**§ 27. (Kalaallit Nunaanni atuutilissanngilaq)**

**§ 28.** Inatsit malillugu inassutit atuutsinneqartut Kalaallit Nunaannut atuutinngillat.

---

<sup>1</sup> Aalajangersagaq imatut oqaasertaqarpoq: »Inatsit Savalimiiniut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimiiniut Kalaallit Nunaannullu atuutsinneqalersinnaalluni, Savalimiini Kalaallit Nunaannilu pissutsinut naapertuuttumik.«

<sup>2</sup> Aalajangersagaq imatut oqaasertaqarpoq: »Kunngip peqqussutaatigut § 4 Kalaallit Nunaannut atuutsinneqalersinnaavoq, allannguuteqartillugu Kalaallit Nunaanni pissutsinut naapertuuttunik.«

<sup>3</sup> Aalajangersagaq imatut oqaasertaqarpoq: »Kunngip peqqussutaatigut § 2 Kalaallit Nunaannut atuutsinneqalersinnaavoq Kalaallit Nunaanni pissutsinut naapertuuttunik.«

<sup>4</sup> Aalajangersagaq imatut oqaasertaqarpoq: »Inatsit Savalimiiniut Kalaallit Nunaannullu atuutinngilaq, kunngilli peqqussutaatigut § 1 Savalimiiniut Kalaallit Nunaannullu atuutsinneqalersinnaalluni, allannguuteqartillugu Savalimiini Kalaallit Nunaannilu pissutsinut naapertuuttunik.«

<sup>5</sup> Aalajangersagaq imatut oqaasertaqarpoq: »Kunngip peqqussutaatigut § 4 tamakkiisumik ilaannakortumilluunniit Kalaallit Nunaannut atuutsinneqalersinnaavoq, allannguuteqartillugu Kalaallit Nunaanni pissutsinut naapertuuttunik.«

<sup>6</sup> Aalajangersagaq imatut oqaasertaqarpoq: »Inatsit Savalimiiniut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimiiniut Kalaallit Nunaannullu atuutsinneqalersinnaalluni, allannguuteqartillugu Savalimiini Kalaallit Nunaannilu pissutsinut naapertuuttunik.«

<sup>7</sup> Aalajangersagaq imatut oqaasertaqarpoq: »Inatsit Savalimiiniut Kalaallit Nunaannullu atuutinngilaq, kunngilli peqqussutaatigut § 1 tamakkiisumik ilaannakortumilluunniit Savalimiiniut Kalaallit Nunaannullu atuutsinneqalersinnaalluni, allannguuteqartillugu Savalimiini Kalaallit Nunaannilu pissutsinut naapertuuttunik.«

<sup>8</sup> Aalajangersagaq imatut oqaasertaqarpoq: »Inatsit Savalimiiniut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimiiniut Kalaallit Nunaannullu atuutsinneqalersinnaalluni, allannguuteqartillugu Savalimiini Kalaallit Nunaannilu pissutsinut naapertuuttunik.«

<sup>9</sup> Aalajangersagaq imatut oqaasertaqarpoq: »Inatsit Savalimiiniut Kalaallit Nunaannullu atuutinngilaq, kunngilli peqqussutaatigut §§ 1,3 aamma 4 tamakkiisumik ilaannakortumilluunniit Savalimiiniut Kalaallit Nunaannullu atuutsinneqalersinnaalluni, allannguuteqartillugu Savalimiini Kalaallit Nunaannilu pissutsinut naapertuuttunik.«

<sup>10</sup> Aalajangersagaq imatut oqaasertaqarpoq: »Inatsit Savalimiiniut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimiiniut Kalaallit Nunaannullu atuutsinneqalersinnaalluni, allannguuteqartillugu Savalimiini Kalaallit Nunaannilu pissutsinut naapertuuttunik.«